

**MAHINUNGDANONG MGA PAMAHAYAG
ALANG SA 2024 INTERNATIONAL CHINESE-SPEAKING
CONFERENCE**

**Ingon sa gipadayag sa 2 Timoteo 4:7,
tulo ka pilo ang hustong Cristohanong kinabuhi;
naglambigit kini sa pag-away sa maayong pakig-away,
pagdagan ug pag-abot sa dag-anan,
ug pagbantay sa pagtuo.**

**Sa Bag-ong Tugon, objectibo ug subjectibo ang pagtuo:
nagpasabot ang objectibong pagtuo sa gituohan nato,
ug may kalabotan ang subjectibong pagtuo
sa buhat nato sa pagtuo.**

**Aron mapahimuslan nato si Cristo nga ganti nato sa gingharian,
mahigugma gyod ta sa pagtungha sa Ginoo,
nga mao ang Iyang pagpakita ug pagpadayag kanato karon
ug ang Iyang presensya uban sa Iyang katawhan
sa ikaduhang pag-anhi Niya, pinaagi sa pagpabilin
sa sigpit nga dalan sa pagkamatukawon sa kinabuhi
ug pagkamatinumanon sa pag-alagad
aron maumol nga pangasaw-onon ni Cristo.**

**Inig-anhi pag-usab sa Ginoo, matinuod na ang pagtuo,
ug mapulihan na sa pagdayeg ang pag-ampo.
Mahingpit ang gugma sa walay-landong
nga pagkahingpit, ug mag-alagad ta Niya
sa ginsakpang dapit nga walay sala.
Unsa gyod kana nga adlaw!
Ginoong Jesus, pagdali na sa pag-anhi!”**

**Mga Talamdan sa Mga Mensahe
alang sa International Chinese-speaking Conference
Pebrero 10-11, 2024**

**LINANGKOB NGA HISGOTANAN:
MAKIG-AWAY SA MAAYONG PAKIG-AWAY, MAKAABOT SA DAG-ANAN,
MAGBANTAY SA PAGTUO, UG MAHIGUGMA SA PAGTUNGHA SA GINOO
ARON MAKADAWAT SA GANTI NI CRISTO
ISIP PURONGPURONG SA PAGKAMATARONG**

Mensahe 1

Makig-away sa Maayong Pakig-away

Basahong Kasulatan: 2 Tim. 4:7a; 1 Tim. 1:18; 6:12

- I. Ingon sa gipadayag sa 2 Timoteo 4:7, tulo ka pilo ang hustong Cristohanong kinabuhi; naglambigit kini sa pag-away sa maayong pakig-away, pagdagan ug pag-abot sa dag-anan, ug pagbantay sa pagtuo.**
- II. “Naaway na nako ang maayong pakig-away”—v. 7a:**
 - A. Makaaway sa maayong pakig-away ang mga magtutuo pinaagi sa pagdawat sa sugo sa apostol—1 Tim. 1:18:
 1. Ang sugo nga gihatag sa apostol ngadto sa espirituhanon niyang anak may kalabotan man sa pamatigayon sa Dios sa positibo ug sa lahing mga pagtulon-an sa negatibo—vv. 3-4.
 2. Gisugo ni Pablo si Timoteo nga makig-away batok sa pagsimang sa pagtuo, sa ato pa, makig-away sa maayong pagpakig-away nga iya sa pagtuo—6:12a.
 - B. Gisultian ni Pablo si Timoteo nga sumala sa mga panagnang gitagana kaniadto mahitungod niya, “makaaway [siya] sa maayong pakig-away”—1:18:
 1. Ang pagpakig-away sa maayong pakig-away pagpakig-away man batok sa lahing mga pagtulon-an sa mga magsusupak ug pagtuman sa pamatigayon sa Dios—v. 4.
 2. Sumala kining awaya sa pagpangalagad sa apostol kalabot sa ebanghelyo sa grasya ug sa walay kataposang kinabuhi aron mahimaya ang dalaygong Dios—vv. 11-16.
 3. Sa usa ka bahin, makig-away si Timoteo batok sa lahing mga pagtulon-an; sa laing bahin, tumanon niya ang pamatigayon sa Dios sumala sa pagpangalagad sa apostol—vv. 3-4, 18.
 4. Ang pagpanudlo ug pagsangyaw sa pamatigayon sa Dios bahin ni Cristo ug sa iglesia pagpakig-away man sa maayong pakig-away—v. 18.
 - C. Niingon si Pablo sa 1 Timoteo 6:12a, “Awaya ang maayong pagpakig-away nga iya sa pagtuo”:
 1. Ang pagpakig-away alang sa pagtuo nagpasabot sa pagpakig-away alang sa pamatigayon sa Dios sa Bag-ong Tugon.
 2. Labi na gyod, nga pagpakig-away kini alang ni Cristo nga pagkalawas sa Dios ug sa iglesia nga Lawas ni Cristo—Col. 2:9; 1 Cor. 1:2; 12:27.
 3. Ang pagpakig-away sa maayong pagpakig-away nga iya sa pagtuo pagpakig-away man alang sa mga sulod sa kompletong ebanghelyo sumala sa pamatigayon sa Dios sa Bag-ong Tugon—Efe. 3:6.

4. Tungod sa lahing mga pagtulon-an, nadaot na ang iglesia ug nisimang sa pagtuo; gisugo ni Pablo si Timoteo nga makig-away batok ning pagsimang sa pagtuo, nga mao ang pagpakig-away sa maayong pagpakig-away nga iya sa pagtuo—1 Tim. 6:12a.
- D. Niingon pa gyod si Pablo sa 1 Timoteo 6:12b, “Kupti ang kinabuhing walay kataposan, nga nganha niini gitawag ka”:
1. Ang walay kataposang kinabuhi mao gyod ang nahikay ug nahingpit nga Tulo-usang Dios ingon nga kinabuhi nato—Juan 3:15-16.
 2. Ang walay kataposang kinabuhi sa 1 Timoteo 6:12b mao ang diosnong kinabuhi, ang dili linalang nga kinabuhi sa Dios, nga walay kataposan.
 3. Labaw nga nagpasabot sa kinaiya kaysa elemento sa panahon sa diosnong kinabuhi ang *walay kataposan*—1 Juan 5:11.
 4. Sa pag-away sa maayong pagpakig-away nga iya sa pagtuo diha sa Cristohanong kinabuhi, kuptan gyod nato kining diosnong kinabuhi ug dili mosalig sa atong tawhanong kinabuhi—itandi sa Mat. 16:25-26.
 5. Dili lang ta objectibong nakig-away sa maayong pagpakig-away nga iya sa pagtuo kondili subjectibo sab pinaagi sa pagkupert sa walay kataposang kinabuhi—1 Tim. 6:12b.
 6. Ang pagkamalalangon sa kaaway sa pagpasimang sa pagtuo pagpalayo man sa mga magtutuo sa walay kataposang kinabuhi.
 7. Kuptan gyod nato, nga tinuod nga mga magtutuo ang walay kataposang kinabuhi; kon wala ang walay kataposang kinabuhi balewala ta—1 Juan 5:11.
 8. Kuptan gyod nato ang walay kataposang kinabuhi; makaaway na dayon ta sa maayong pakig-away—1 Tim. 6:12b.
 9. Sa 1 ug 2 Timoteo ug Tito, balikbalik nga gihatagag gibug-aton ang walay kataposang kinabuhi—1 Tim. 1:16; 6:19; 2 Tim. 1:1, 10; Tito 1:2; 3:7.
 10. Gikinahanglan kining kinabuhia sa pagtuman sa pamatigayon sa Dios kala bot sa iglesia, ingon sa makita sa 1 Timoteo, sa pagbatok sa nagkaunlod nga dagan sa iglesia, ingon sa makita sa 2 Timoteo, ug sa pagmintinar sa kahasay sa iglesia, ingon sa makita sa Tito.
- E. Nakig-away ta sa maayong pakig-away batok ni Satanas ug sa gingharin sa kangitngit:
1. Dili lang nato bug-os nga ampingan ang atong kaugalingon kondili hagiton sab nato ang yawa—Mat. 12:26, 28.
 2. Mga kasundalohan gyod unta ta sa Dios, nga makig-away sa maayong pakig-away, mopukan sa mga kuta sa yawa, ug mobihag sa mga hunahuna sa tawo ngadto sa pagsugot ni Cristo—2 Cor. 10:3-5.
- F. Nakig-away ta sa maayong pakig-away alang sa kamatuoran—1 Tim. 6:12; 1 Juan 1:6; 2:21; 4:6:
1. Ang kamatuoran mao ang Tulo-usang Dios ug ang Iyang pulong—Juan 1:1, 14-17; 14:6, 16-17; 15:26; 16:13; 17:17; 18:37b.
 2. Bug-os ang diosnong kamatuoran, ug bug-os gyod ta alang sa kamatuoran ug kuptan nato ang pagkabug-os sa kamatuoran—14:6; 18:37; 3 Juan 3-4, 8.
 3. Pasidunggan gyod nato ang kamatuoran sa Dios, sundon ang paagi sa kamatuoran, ug dili gyod ipauyon-uyon ang kamatuoran—2 Ped. 2:2.
 4. Magpaumol gyod ta sa kamatuoran nganha sa atong pagkatawo—1 Juan 1:8; 2:4; 2 Juan 1-2; 3 Juan 3-4.
 5. Aron mahingpit ang diosnong pamatigayon, bug-os gyod ta alang sa kamatuoran karon ug sa kinahabogang kamatuoran ug sa subjectibong mga kamatuoran—2 Ped. 1:12; Rom. 8:3; 1:3-4; 12:4-5; Juan 8:32; 14:6.

6. Makat-on gyod ta sa pagpanudlo ug pagsangyaw sa mga butang nga mas habog pa sa nahimutangan nato.
7. Aron mahingpit ang diosnong pamatigayon, bug-os gyod ta alang sa paagi sa diosnong kamatuoran—2 Ped. 2:2.
8. Mangako gyod ang kaiglesiahan sa pagpatin-aw sa mga pagtulon-an nato aron makig-away alang sa kamatuoran, magtagad sa pahiuli sa Ginoo, ug magtagad sa panghimatuod nato—1 Tim. 3:15; 6:12; 2 Tim. 4:7.